

## Paerewa Paetae

**Aronga** Pāngarau 1.15

**Ingoa** Te whakaatu mōhiotanga ki te reo matatini o te pāngarau

**Kaupae** 1 **Whiwhinga** 3 **Aromatawai** Ā-rotō

**Marau akoranga** Te Marautanga o Aotearoa

**Kokonga akoranga** Pāngarau

**Mana rēhita** Kua rēhitatia **Te rā i mana ai** 12 Hakihea 2013

**Te rā e arotakengia ai** 31 Hakihea 2019 **Te rā i puta ai** 12 Hakihea 2013

### Te Hononga ki te Marautanga

I ahu mai tēnei paerewa paetae i te Taumata 6 o *Te Marautanga o Aotearoa*, i whakaputaina e Te Pou Taki Kōrero i te tau 2008.

### Whāinga Paetae

*Te Reo Matatini o te Pāngarau*

*Ka whakawhitiwhiti whakaaro, ka āta wānanga te ākonga i āna mahi pāngarau, mā te kupu (ā-waha, ā-tuhi), mā te tohu, me ngā momo whakaahuahanga e hāngai ana. He mea nui tēnei hei tautoko i te whakatutukitanga o ngā whāinga paetae e whai ake nei, e pakari anō ai te whakaaro arorau, te whakaaro arohaehae, te whakaaro whitake me te auhatanga o te ākonga e hāngai ana ki tēnei taumata.*

E hono ana ki te Papa Whakaako mō Pāngarau kei te pae ipurangi nei:

<http://tmoa.tki.org.nz/Te-Marautanga-o-Aotearoa/Taumata-Matauranga-a-Motu-Ka-Taea>.

### Te Hononga ki ngā Tikanga Aromatawai

Kei tēnei pae ipurangi ngā Tikanga Aromatawai mō tēnei paerewa paetae:

<http://tmoa.tki.org.nz/Te-Marautanga-o-Aotearoa/Taumata-Matauranga-a-Motu-Ka-Taea>.

**Paerewa Paetae**

<p><b>Paetae</b> He whakaatu mōhiotanga ki te reo matatini o te pāngarau.</p>	<p>Hei tohu i te paetae:</p> <ul style="list-style-type: none"> <li>• ka whakaatu i ngā momo rautaki e mārama ai ki tētahi kōrero pāngarau (ā-tuhi, ā-waha rānei)</li> <li>• ka kapo māramatanga i ngā momo whakaahuahanga pāngarau</li> <li>• ka whakaputa kōrero (ā-waha, ā-tuhi) mō tētahi kaupapa pāngarau</li> <li>• ka whakamahi i ngā momo whakaahuahanga pāngarau me ngā tohu pāngarau hei whakawhitiwhiti whakaaro.</li> </ul>
<p><b>Kaiaka</b> He kaiaka te whakaatu mōhiotanga ki te reo matatini o te pāngarau.</p>	<p>Hei tohu i te kaiaka:</p> <ul style="list-style-type: none"> <li>• Ko te whakaaro tūhonohono te mea nui. Nō reira, ka kitea ēnei: <ul style="list-style-type: none"> <li>– ka whakaatu mōhiotanga ki te puna kupu pāngarau e hāngai ana</li> <li>– ka whakamahi tika i ngā momo hanga reo whānui o te reo Māori hei whakawhitiwhiti whakaaro pāngarau</li> <li>– ka whakaputa kōrero (ā-waha, ā-tuhi) mō tētahi huatau pāngarau, kia mārama, kia hāngai, kia whai anō hoki i tā te Māori whakatakoto i te kupu</li> <li>– ka kapo māramatanga i tētahi kōrero pāngarau (ā-waha, ā-tuhi), i tētahi whakaahuahanga pāngarau rānei.</li> </ul> </li> </ul>
<p><b>Kairangi</b> He kairangi te whakaatu mōhiotanga ki te reo matatini o te pāngarau.</p>	<p>Hei tohu i te kairangi:</p> <ul style="list-style-type: none"> <li>• Ko te whakaaro waitara te mea nui. Nō reira, ka kitea ēnei: <ul style="list-style-type: none"> <li>– ka whakaatu mōhiotanga ki te puna kupu pāngarau whānui e hāngai ana ki ngā huatau pāngarau huhua</li> <li>– ka whakaatu pūkenga ki te hopu i ngā kupu hou ka puta i ngā kaupapa pāngarau e akohia ana</li> <li>– ka whakanikoniko i te reo whakawhiti whakaaro pāngarau i runga i te āhua o te hunga whakarongo, te hunga pānui rānei</li> <li>– ka aromātai i te āhua o te whakaputa whakaaro pāngarau me te whakatika anō kia mārama ake, kia māmā ake te kōrero, kia tika ake te wetereo, kia hāngai ake ki te hunga whakarongo (hunga pānui rānei).</li> </ul> </li> </ul>

**Kōrero Āpiti**

E whai ake nei ko te whakamāramatanga o ngā kupu whaitake, kīanga rānei.

<p>te reo matatini o te pāngarau</p>	<p>Ko ngā kupu, ko ngā hanga reo, ko ngā momo whakaahuahanga me ngā tohu, hei whakawhiti whakaaro pāngarau, e tutuki ai tētahi kaupapa.</p>
--------------------------------------	---

Kuputaka:  
whakaaro tūhonohono  
whakaaro waitara

relational thinking  
abstract thinking

**Tātari Kounga**

- 1 Me mātua whakamana ngā Kaituku Akoranga me ngā Whakahaere Whakangungu Ahumahi e te Mana Tohu Mātauranga o Aotearoa ka rēhita ai i ngā hua ka puta mai i ngā aromatawai ki ngā paerewa paetae.
- 2 Ko ngā Kaituku Akoranga me ngā Whakahaere Whakangungu Ahumahi kua mana, ā, e aromatawai ana i ā rātou hōtaka ki ngā paerewa paetae, me uru rātou ki ngā pūnaha whakarite e tika ana mō aua paerewa paetae.

Ko te tohutoro ki te Mahere Whakamana, Whakaōritenga hoki

0233